

6. janúar 2016

## Atvinnu- og nýsköpunarráðuneytið

Baldur P Erlingsson  
Annas Jón Sigmundsson

Efni: Umsögn og tillögur LS um heildarendurskoðun á regluverki er varðar notkun veiðarfæra, veiðisvæði og verndunarsvæði á Íslandsmiðum.

Frá því bréf ráðuneytisins dagsett 5. október 2015 barst hafa svæðisfélög LS, 15 að tölu haft málefnið til umsagnar. Nokkrar ábendingar bárust til LS sem komið verður hér á framfæri auk þess sem umsögnin verður byggð samþykktum aðalfunda síðastliðin ár.

## Dragnót

Landssamband smábátæigenda fagnar þeim mikla árangri sem náðst hefur í friðun grunnslóðar með víðtækum bönnum á notkun togveiðarfæra. Veiðar með dragnót falla undir þann flokk. LS hvetur til að við endurskoðun reglna verði þau svæði sem nú eru lokuð fyrir dragnótaveiðum tímabundið felld inn í lög um veiðar í fiskveiðilandhelgi Íslands. Ennfremur að óheimilt verði að stunda dragnótaveiðar innfjarða og innan 3 sjómílna frá ströndum landsins.

LS vill að það komi skýrt fram að dragnótaveiðar voru heimilaðar til nýtingar á flatfiski. Við slíkar veiðar er veiðarfærið ákjósanlegt. Á undanförunum árum hefur notkun veiðarfærisins hins vegar þróast til veiða á bolfiski. LS leggur áherslu á að við endurskoðun regluverks verði leyfi til veiða með dragnót skilyrt við veiðar á flatfiski.

## Veiðar með flotvörpu

LS leggur áherslu á að dregið verði úr flotvörpuveiðum og þær heyri sögunni til innan fárra ára. Notkun veiðarfærisins kallar á gríðarlega losun gróðurhúsalofttegunda sem samkomulag er um að draga úr. Einnig er flotvarpa afar stórvirkt veiðarfæri sem fullyrða má að umtalsverður meðafli fylgi við veiðarnar. Veiðar á uppsjávarfiski verði þannig bundnar við leyfi með nót og netum. Bent skal á að Ísland er eitt fárra landa, ef ekki án undantekningar, sem heimilar veiðar með flotvörpu á landgrunni.

LS leggur til að uppsjávarskip sem fá veiðileyfi með flotvörpu verði útbúin stórfiskaskilju þannig að fiskur (meðafli) eins og t.d. grásleppa endi ekki ofan í lestum heldur flokkist frá, og fari lifandi í hafið aftur.

## Botnvarpa

Landssamband smábátæigenda telur brýnt að óheimilt verði með öllu að stunda veiðar með botnvörpu nær landi er 12 sjómíllur.

## Veiðarfæri

LS vekur athygli á að krókaafلامarksbátum er óheimilt að nota gildirur eða plóga við veiðar. Félagið leggur áherslu á að notkun þessara veiðarfæra verði heimiluð að undangenginni skilgreiningu á stærð þess.

## Veiðisvæði

LS leggur áherslu á að veiðar með línu í eftirtöldum hölfum verði tafarlaust heimilaðar:

- „Keiluhólf“ S-austur af Hrollaugseyjum
- Veiðisvæði á norðanverðum Breiðafirði

## Skyndilokanir

LS leggur til að allsherjarúttekt verði gerð á skyndilokunum og árangur þeirra metinn. Félagið hefur lengi haft þá skoðun að viðmiðunarmörk verði að vera fljótandi. T.d. er ástæða til þess nú að færa þær niður í 50 cm í þorski. Þá telur LS ástæðu til að aldursgreining verði ávallt gerð áður en ákvörðun er tekin um reglugerðarlokanir. Það þurfi að vera hafið yfir allan vafa að ekki sé lokað á veiðar á 4 ára og eldri fiski sem myndar veiðistofn. Reglugerðarlokanir vegna ítrekaða skyndilokana standi ekki lengur en 6 mánuði.

Þá leggur LS til að verði það niðurstaða úttektar að rétt sé að halda í skyndilokanir muni lokanir miðast við einstaka báta við línu- og handfæraveiðar sem gerist ítrekað sekir um veiðar á smáfiski. Eftirfarandi var samþykkt á aðalfundi LS 2015 er varðar skyndilokanir:


*„Aðalfundur LS fer þess á leit að handfærabátar sem ítrekað eru staðnir að því að brjóta reglur um hlutfall smáfisks í afla skulu sæta viðurlögum, í stað þess að öllum bátum á veiðislóðinni sé refsað með skyndi- og reglugerðarlokunum.“*

## Undirmál

LS leggur til að samræmd sé skilgreining á undirmáli milli fiskmarkaða og vigtunar til kvóta. Við veiðar nú verður að flokka undirmál á tvo flokka, eftir söluþyngd á markaði og eftir lengd gagnvart reglum um hversu mikið fer til aflamarks.

Í dag eru viðmiðunarmörk á undirmáli í þorski til kvóta 50 cm og stærri, en skilgreining hjá fiskmörkuðum er viðmiðunin að þorskur undir 1,3 kg er seldur sem undirmál.

**Virðingarfyllst,**



Halldór Ármannsson formaður

Hverfisgata 105, 101 Reykjavík  
s. 552 7922 – fax. 562 6590  
[ls@smabatar.is](mailto:ls@smabatar.is) - [www.smabatar.is](http://www.smabatar.is)



Örn Pálsson framkvæmdastjóri